



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. I. Ex quibus causis possit Episcopus aut debeat, Episcopatui renuntiare?

---

[urn:nbn:de:hbz:466:1-61641](https://nbn-resolving.de/urn:nbn:de:hbz:466:1-61641)

promissam, aut constitutum ad resignandum Procuratorem, vel Romanum quidem missam, aut ad superiorum legitimum, resignationem, nondum tamen ab hoc admissam &c. his enim in casibus non vacaret beneficium per resignationem, quamvis ultra 20. dies à tempore talis constitutionis, transmissionis, signationis &c. facta h̄c supervixisset, sed vacaret vi hujus regulæ per mortem beneficiati, si à die præstiti consensus, coram legitimo superiori, ultra viginti dies non supervixisset.

## §. III.

*Qui resignare beneficia non possint,  
Et quibus possint resignari?*

1. Resignare sua beneficia non possunt criminosi, qui ipso jure, beneficiiis suis privati sunt, aut intrusi, & omnes illi, qui nullum titulum Canonicum habent, cùm enim nullum jus in beneficio, sed sola fortassis possessio illis competit, consequenter nullum etiam jus per resignationem cedere, vel in alterum transferre possunt. 2. Resignare non possunt prius beneficium, qui ad secundum cum primo incompatibile promoti sunt, quia per legitimam adeptiōnem secundi, primum ipso jure vacat, juxta c. de multa 28. de prabend. & Trident. sess. 7. c. 4. de reform. 3. Resignare non possunt sua beneficia, nec ex causa permutationis, mente capti, & furiosi Clerici, cùm enim careant iudicio rationis, consequenter non minus inepti sunt ad resignanda sua beneficia, quam ad alios actus legitimos, nisi fortassis lucida intervalla habeant, & tum temporis resignationem faciant, cùm tali tem-

*Compedit. Pirking.*

pore cellet causa, propter quam resignare non possunt. Possunt autem per se omnibus Clericis beneficia resignari, modò debitas qualitates, & conditiones habeant, cùm regulariter, cui conferri potest beneficium, illi etiam resignari possit.

## S E C T I O IV.

*De causis, ob quas renuntiationes beneficiorum validè, & licet fieri possunt.*

Certum est, quod beneficiorum renuntiatione fieri non possit, sine justâ & legitimâ causâ, ne nimia in resignandis beneficiorum libertas in maximum detrimentum Ecclesie cedat: qualis autem causa sit justa & legitima, in genere definita non potest; quamvis certum sit, quod gravior causa requiratur in resignatione Episcoporum. v. g. quam in resignatione aliorum minorum beneficiorum.

## §. I.

*Ex quibus causis possit Episcopus aut debeat, Episcopatu[m] renuntiare.*

S Ex causa de jure Canonico sunt expressæ, propter quas Episcopus confirmatus cedendi licentiam potest, vel etiam debet postulare, uti habetur in e. nisi cùm pridem 10. b. t. Prima scil. est, conscientia criminis (quod impedit executionem officii sui, etiam post peractam pœnitentiam, qualia sunt illa crimina, quæ depositionis pœnam, aut perpetuam suspensionem, aut juris infamiam secum trahunt) Secunda est dabilitas corporis (per quam impotens redditur

N

ad

ad exequendum officium suum pastora-  
le, uti colligitur ex c. 1. b. t.) Tertia est  
defectus scientia (præsertim ad spiritua-  
lium administrationem necessariæ & suf-  
ficiens, nisi confirmatus talis sufficien-  
tem quidem scientiam non habeat, spes  
tamen sit, quod intra breve tempus suf-  
ficienter de ea sibi sit provisurus) Quarta  
est malitia plebis (cui cum suo Episco-  
po pessime convenit, ut nullus ex hoc  
Episcopo fructus apud cervicis durissimæ  
plebem spectari possit) Quinta est grave  
scandalum populi, quod ex præsentia hu-  
jus Episcopi patitur (non quidem si scan-  
dalum tantum Pharisaeum sit, quod ca-  
vendum non esse, ipse Christus admonet,  
sed si scandalum sit, quod ex ignorantia,  
aut infirmitate populi provenit, & com-  
muniter scandalum pusillorum vocatur)  
Et sexta denique causa est irregularitas,  
cum talis Episcopus non possit exercere  
actus Episcopales, nec cum illo à Sum-  
mo Pontifice dispensetur. Haec tamen cau-  
sa omnes ad duas potissimum revocari  
possunt, ad utilitatem scil. aut necessita-  
tem Ecclesiæ; harum enim una si non in-  
terveniat, neque cum his causis facile di-  
spensatur.

## §. II.

*An ex aliis causis, præter sex alla-  
tas, possit Episcopus renuntiare Epi-  
scopatus?*

**R**EIP. probabile esse, quod possit,  
dummodo causa sit utilis Ecclesiæ,  
& honesta, cum per enumeratas à jure  
Canonico causas, frequentius occuren-  
tes, non excludantur aliae honestæ cau-  
sa, utilitatem Ecclesiæ, maximè concer-  
nentes; & quod in jure dicatur, petitio-

nem cessionis ex aliis causis factam, non  
esse discretam, prout habetur in c. cit. nisi  
pridem §. veram b. t. Intelligentum tan-  
tum videtur de aliis causis non justis, nec  
honestis, sed indiscretis &c. nisi malis  
dicere, omnes alias causas ad has 6. revo-  
cati posse, ita ut non audiendus sit Epis-  
copus, si nullam ex allatis sex assignare  
possit: & hinc non videtur audiendus  
Episcopus, ad renuntiandum suo Episco-  
patui, cui utiliter adhuc præesse potest,  
si sub prætextu humilitatis, aut divinae in-  
spirationis, ut quietius Deo servire pos-  
sit, ut contemplatiæ vitæ magis dedi-  
tus sit, ut in religione profiteatur &c.  
renuntiare velit, ut parat ex citato c. nis-  
si & exc. 2. de translat. Epis. neque profes-  
sio in religione sine licentia Summi Pon-  
tificis facta, aut votum, quod de ingre-  
dienda religione Episcopus fecit, valet,  
quia Deus talem promissionem contra  
prohibitionem ab Ecclesia factam non  
acceptat.

## §. III.

*Ex quibus causis fieri possit renun-  
tiatio Ecclesiarum, dignitatum Ecclesi-  
sticarum, & beneficiorum curato-  
rum, veletiam simplicium?*

**Q**uae causa à jure conceduntur, ut  
Episcopi suis Episcopatus renun-  
tiante possint, ex etiam sufficientes sunt  
ad renuntiandum aliis dignitatibus, &  
beneficiis, tam curatis, quam simplici-  
bus, quæ enim sufficiunt, ut arctius vin-  
culum dissolvatur, sufficiunt etiam, ut  
dissolvatur minus arctum vinculum: imò  
plures adhuc, & leviores causa sunt, ob  
quas extra curiam, ordinarii locorum re-  
signationes beneficiorum, purè factas,  
admit-